

PHULUSO YA TSHOTHE

 Ndo vha ndi tshi nga a tho ngo diwha zwine ndi nga amba matsheloni ano. Ndo vha ndo dzula ngei murahu na Mukomana Egan, huno nda pfa... Murathu Neville o vha a tshi khou amba tshiñwe tshithu, nahone o sedza u yela kha nne. Huno nda ri kha Mukomana Egan, "Naa u khou mmbidza?"

Huno a ri, "U khou ralo."

² Huno zwenezwo nne ndi fhano u amba tshiñwe tshithu matsheloni ano. Ndo vha ndi tshi khou elekanya, musi ndo vha... Tshivhudzulamuya hangei, hune vha khou... tshi kokodza ipfi, tshi vhonala tshi tshi li kokodzela heneffho nnda, musi ni tshi khou amba. Hu vhonala hu tshi nga tshivhudzulamuya tshi dzhia ipfi nga u ḥavhanya.

Ndo vha ndi tshi khou pfa nga maanda... vhuṭanzi musi ndo vha ndi ngomu heneffho u rabelela musadzi kha founu. Huno uyo o wanaho mulaedza, o hangwa u vhea mudi wa fhethe hune ha tewa u founelwa hone, u bvaho kha mufumakadzi wa Dok. Morrison. Huno ndi do tou ni vhudza zwe nda ita, nga thabelo dzanu dzothe, na dzanga. Ndo vhea zwanda zwanga kha founu, huno nda sumba kha nomboro, huriwe na huriwe he ya vha i hone, huno nda humbela Muya Mukhethwa u ya kha musadzi. Ngauralo ndi elekanya zwauri U do pfa izwo u tou fana na musi O vha a tshi do ralo arali ro vha ri tshi do... Ni a vhona? Huno ndo tou i vhea phasi. Huno zwi nga di vha zwi ndila ye Murena a zwi todisa zwone. Ni a vhona? Zwi nga di vha zwi tshi do vha khwine nga u ralo.

³ Huno zwenezwo ndo pfa vhuṭanzi musi ndo vha ndi ngomu heneffho, ha muřiwe a tshi khou amba zwauri Khaladzi Rook o no... Ndi tenda zwauri Murathu Neville o amba zwauri o vha e na u-wa ha thalukanyo, nga u tou ralo. Kha ri farelele kha Mudzimu u itela hezwo, ri tshi elelwa fhedzi itsi tshithu tshithihi: Mudzimu u diwha Vha Ene muňe. U diwha zweqhe nga havho.

⁴ Naa ni kona u pfa zwavhuđi ngeyo murahu? Arali ni sa koni, hu na zwidzulo zwi si na tshithu ngeno nthi. Inwi ni nga di tshintsha arali ni tshi tama. Nahone, kha ri vhone, naa *iyi* ndi khudzaipfi khulwane? [Mukomana u ri, "Hai, muňe wanga."—Mudz.] Iyi i re nga *hafha* ndi khudzaipfi khulwane? Ho luga. Ri do vhona arali ri tshi nga kona u sendedza iyo zwitukunyana. Hani-ha nga ha heneffha u mona hafha, Gene? Izwo zwi do tou vha zwavhuđi. Huno nga tshiñwe tshifhinga ndi sokou vha na manzaranzara zwituku; ndo vha ndi tshi khou rera zwituku. Naa izwo zwi khwine? Ni a pfa izwo lwa khwine?

⁵ Huno zwa vhukuma ri elelwa izwi thabeloni. Huno ri ṭoda u vhiga muṭangano wa vhugala u bva fhasi ngei...

Naa nne ndo sedza Khaladzi Rook? Ndo elekanya zwauri ndo vha ndo sedza mufumakadzi hafha murahu we a vhonala a tshi nga ene. Ndo elekanya, “Nga ngoho a thi khou amba kavhili hafha.” Ndo sedza muñwe we a vhonala a tshi nga ene, u yela murahu. U ngei Sibadelia tsha Edward Mukhethwa.

⁶ Huno ngauralo, ngei Cleveland, Tennessee, na ngei California, ro vha na miṭangano ya vhugala. Murena o fhaṭutshedza zwihiulwane, na zwithu zwinzhi zwe A ita. Huno ro takalela hezwo. Ro takalela uri ri nga kona u vhuya kha khamphani ya riñe vhane, ri tshi vhiga vhudi na khathutshelo ya Mudzimu. Iyo ndi ndila ye vha zwi ita Bivhilini.

⁷ Ndo vha ndi tshi khou takalela Murathu Neville, kana thabelo ya Mukomana Beeler, ndila ye a rabelela vhathu, nahone—nahone a tshi khou humbelia thuso na khathutshelo. Huno arali ri tshi do tou sedza, inwi tshifhinga tshoṭhe, tshiñwe na tshiñwe tshi no khou bvela phanda, ni do wana zwauri hu na tshiñwe tshithu tsha vhukuma vhukumakuma nga hatsho. Huno zwenezwo musi Murathu Neville a tshi da nahone a ḍisa aya madikoni, na vhañwe-vho, ngeno ntha kha pulatifomo, u—u bula phathutshedzo dza Mudzimu kha munikelo wa tshi—tshihidzo, ndo mu pfa a tshi amba thabeloni yawe na Mudzimu, nga ha avho vhanna, ndila ye vha rabelisana. Huno izwo zwi nnyita zwavhudi u pfa mufunzi ane a kona u rabelela madikoni awe, huno madikoni a dovha a rabelela mufunzi. Musi ni tshi vhona tshihidzo tshi tshi dzhena kha tshumisano nga u ralo, zwo luga, tshiñwe tshithu tshi tsini na u sudzuluwa. Iyo ndi ndila ine tshihidzo tsha tea u vha kha nzudzanyo. Huno zwi nñea muhumbulo fhedzi wa liñwalwa. Ndo vha ndi tshi khou yo amba nga ha phaṭutshedzo ngei Kadeshe, na ndandulo ya u pfa muvhigo wa dzitholi, fhedzi zwenezwo nda shandukisa thalukanyo yanga, ya ya kha tshiñwe tshithu-vho tshifhingani itsho.

⁸ Huno zwino, malugana na phodzo, ndi tou vha na vhūtanzi vhūtuku vhune nda do takalela u vhu ñea. Ndo vha ndi na mafulufhelo a uri ndi do vhona mutukanā wanga, Billy, ngei murahu, fhedzi u naho tshikwamani tshawe.

Huno Billy u khou vha khwine kha miṭangano, u fhira zwe a vha a tshi anzela u vha zwone. O vha e na mazhuluzhulu, a tshi dinalea, huno o vha a tshi nga u vhudza vhathu, “Oo, iyani ni dzule fhasi. Iyani ni dzule fhasi.” A ri, “Ndi do—ndi do ni ñea garaṭa ya thabelo.” Fhedzi ndo dzhieila nzhele, zwa zwenezwino, hu khou vha na vhathu muṭanganoni vhane a tou vha pfela vhūtungu nga maanda. Arali a si na garaṭa dza thabelo dzo salaho, zwenezwo u vha dzhenisa lufherani uri ndi kone u ya nda vha rabelela.

⁹ Huno tshithu tsho raloho tsho bvelela ngei Chicago, tshifhingani tsho fhiraho. Huno ndi do takalela u vhala ulwo luñwalo arali a tshi nga dzhena. Na kathihi a thi swiki hune nda mu vhona. Ho ngo zwi divha uri ndi khou da matsheloni ano, hangeno, huno—huno nda ḥoda—ḥoda luñwalo. Fhedzi ndo tou zwi elekanya musi ndi tshi elekanya nga ha malwadze manzhi nga maanda. Huno ngeyi n̄ila ine ha vha ngayo. Ndi luñwalo lwo khwañhisédzwaho lwe . . .

Ndo vha ndi tshi khou vhala bammbirini, (n̄ne na kathihi; ndo vhudzwa) nga ha he mabammbiri a vha a tshi khou sasalandza Oral Roberts, nga nthani ha u rabelela musadzi we a vha e na vhulwadze ha swigiri huno a fa. Huno n̄ne, zwino, sa Muamerika, ndi—ndi takalela u thetshela milayo na—na munna a re na maandalanga. Fhedzi ndi elekanya zwauri izwo a si zwone fhedzi. Ndi a mangala arali vha tshi do funa u dzhenisa, bammbirini, vhothe vhe Oral Roberts a vha rabelela huno vha fhola, vhe madokotela a vha thudzela kule. Ndi a mangala, vha a nekana heneffo murahu u mona hothe luthihi, ni a vhona. Vho vha vha si nga zwi iti izwo. Huno zwenezwo ndi elekanya zwauri khamusi diabolo o tou vha ḥadisa ngauralo, zwezwo, huno Mudzimu a tshi zwi tendela, uri Duvha la Khañhulo vha do tea u zwi fhindulela hezwo. Fhedzi ndi divha nga ha vhatu vha zwigidi vhe Oral Roberts a vha rabelela, vhe vha vha tshi khou fa, huno vha na mutakalo.

¹⁰ Ngauralo, ni a vhona, vhone, vhone vha nanga sia malugana nazwo. Vha do disa sia lavho, sia la u sasalandza, fhedzi vha nga si dise liñwe sia. Zwino, bammbiri li tea u ita uri vhatu vha dzule vhe kha tshizwinozwino kha zwiwo zwi no bvelela. Zwenezwo ndi a elekanya, arali vhatu vha tshi pfelana, arali muñwe a tshi fhola, a fhola zwa vhukuma, bammbiri liñwe na liñwe kha la United States li tea u hwala lianetshelwa lazwo. Fhedzi ni nga si kone u vha hira uri vha zwi ite. Hai. Inwi ni dzhia tshiñwe tshithu tshi no nga itsyo heneffo, vha do lila sa bere huno vha zwi sea, nahone vha zwi humisela murahu. Fhedzi zwino arali hu na tshiñwe tshithu tsha u sasalandza . . . Zwi tou sumbedza uru ulu lushaka lwo dilugisela khañhulo. Ndi zwone. Huno hu tea u vha na khañhulo, huno a hu na n̄ila ya u i ponya. Huno vha khou thopha fhedzi mulilo nthā ha ḥo ho dzavho, na zwiñwe-vho. Huno yo raloho yone—yone . . . vha si na pfano, kha milayo! Bammbiri, milayo yalo, ndi u—u divhadza vhatu nga ha tshiñwe tshithu tshavhuđi kana tshivhi, tshi no khou bvelela. Fhedzi vha kule na milayo yavho. Huno musi vha kule na milayo yavho, zwenezwo vha—vha nga si vuledze ndivho yavho zwavhuđi.

¹¹ Huno iyo ndi n̄ila i fanaho na zwine zwa vha ngayo kha tshivhidzo. Musi tshivhidzo tshi kule na milayo yatsho, na kathihi tshi nga si kone u shumela vhakhethwa zwavhuđi. Ri tea u dzula rothe, ri tea u vha na pfano. Ri tea u vha vha mbilu nthihi na vha re kha liñhihi. Kana, na kathihi ri nga si

shumele Mudzimu kana vhathu, nn̄dani ha musi ri mbilu nthihi nahone ri kha lithihi, u ima nga milayo ya Bivhili na zwithu zwe Mudzimu a amba zwi re zwone. Ri fanela u ima nazwo tshifhinga tshothe.

¹² Billy a sala ngomu lufherani, ngei Chicago, a... Muñwe a da khae, musadzi na munna wawe, e na pfuko kha mafhafhu, a tshi khou fa. Huno mufumakadzi wawe o vha e mulwadze wa pholio kha tshidulomilinga, nahone ene a tshi khou lingedza u londa munna we a vha a sa koni na u ima, e na pfuko kha fhafhu lawe. Huno Billy a amba nae, a ri, "Ndi—nne ndi a disola, muñe wanga." Ha pfi, "Ndo vha ndi tshi do ni ñea garaña ya thabelo nga dakalo." Huno a ri, "Fhedzi a—a thi na inwe yo salaho."

¹³ Huno a ri, "Zwo ralo, zwo luga, murwa." A ri, "Izwo zwo luga." Ha pfi, "Ro lingedza u swika fhano, fhedzi a hu tsini kha riñe."

¹⁴ Billy a ri, "Ndi do ni vhudza zwine na tea u ita." Ha pfi, "Nñe ndi khou yo wana baba. Huno ndi khou yo mu dzenissa, huno ndi do mu bvisa." Huno ha pfi, "Musi ndi tshi ralo, zwenezwo ni tshi tou pfa Mulaedza wawe," ha pfi, "zwenezwo ni wana wañu...kana mufumakadzi wañu na inwi, huno na dzhena ngomu lufherani lutuku heneffo hune nda fhira hone, huno ndi do ita uri a ni rabelele."

¹⁵ "Oo," a ri, "izwo ndi zwa u fulufhedzea, murwa. Izwo ndi zwavhudzi lwo edanaho." Ni a vhona? Heneffo hu na—heneffo hu na kuhumbulele. Ni a vhona? "Zwavhudzi lwo edanaho. Izwo ndi zwavhudzi." Ni a vhona?

¹⁶ Huno uvho vhusiku, Billy, musi a tshi humela ngei murahu, a tshi kha ñi lwa na zwe a vha o no zwi amba, zwauri o vha e na mulamu wawe heneffo we a vha a tshi khou bva malofha a bvaho kha tsinga dzi bvaho kha mafhafhu. Huno mazwale wawe heneffo, we a vha a tshi khou bva malofha thumbuni, e na zwilonda, na uri vho dzhena navho, vha tshi nga vha siani ña u vha thusa u dzhena. Inwi ni tea u sedza, hu do vha na lufhera lwothe lwo dalaho, ni a vhona. Fhedzi a tshi khou fhira nahone a tshi khou vha rabelela, ri wana luñwalo murahu, nga poswo, uri uyo munna o fhodzwa lwo fhelelaho iyo pfuko ya mafhafhu awe. Musadzi, mufumakadzi a re kha tshidulomilinga, o takuwa, u khou tshimbila u mona hothe e nomala sa zwe a vhuya a vha zwone. Munna a re na tsinga dzi bvaho malofha dza—dza mafhafhu, dzi bvaho kha zwa lufhiha, u na mutakalo tshothe. Huno mufumakadzi wawe u na mutakalo kha zwilonda. Vhaña vhavho vho fhodzwa, tswititi! Ndi a mangala arali gurannda dzi tshi do funa u gandisa izwo. Ni a vhona? Ni a vhona? Ni a vhona? Õo! Fhedzi Mudzimu u kha ñi vha Mudzimu. U tou ita zwithu nga ndila Ya Ene muñe, ni a ñivha, nahone Ndi wavhudzi nga maanda. Ro takala nga maanda u ñivha zwauri Ndi Mudzimu.

¹⁷ Ro vha ri tshi khou amba nga mañwe matsheloni nga ha mureri muñuku ane ra mu ñivha, we a vha a tshi anzela u tshimbila u mona hothe, a rabelela vhalwadze na tshiñwe na tshiñwe. Huno o ya huno a rabelela muthu sibadela ngei Louisville, nahone tsumbo ya lufhiha, mufumakadzi a fa. Muthu muñuku a ri, “Zwo ralo, a hu na ñhodea . . . Mudzimu a si . . . A hu na Mudzimu. O vha a tshi ño vhulunga Ipfi Lawe.” Ha pfi, “Ndo mu dolisa u tou fana—fana na Bivhili yo amba. Arali A sa vhulungi Ipfi Lawe, Ha Mudzimu.” Ha pfi, “I tou vha bugu.”

¹⁸ Zwino, izwo zwi ño vhonala zwo ralo nnđani ha musi no ñivha Mudzimu. Itsho ndi tshipida tsha Mañwalo, fhedzi a si zwøthe zwa Luñwalo. Zwi kha theo ya lutendo lwa muthu. Ni a vhonan?

¹⁹ Huno nda vhudza mufumakadzi wanga, nda ri, “Ho no vha na zwithu zwinzhi nga maanda zwo bvelelaho, zwine nda tou ñivha uri zwi hone. A thi ñivhi zwine zwa khou yo bvelela kha nne ngei magumoni. Ndi nga ñi tuwa nga ndila i fanaho. Arali Mudzimu a vhuya a sudzulusa tshanda Tshawe tsha khathutshelo kha nne, ndi ño tuwa nga ndila i fanaho. Fhedzi samusi A tshi ño dzula Ñ vhea tshanda Tshawe tsha khathutshelo na u endedza kha nne, ndi ño bvela phanda.” Fhedzi ndo vhuzzisa Meda, nda ri, “Naa ndi nnyi we a vha e lufherani nga ayo matsheloni nga murahu ha bono la u vhonan hanga musidzana wanga muñuku, Sharon?”

²⁰ Zwila, jiñwe ñuvha, ndo ñodou ñoka. Ndo vha ndo dzula tshiñaratani. Huno ni a ñivha nganea yanga ya bono lawe, nga murahu. Huno nda sedza, a tshi ña nga thungo hanga, huno heneffho ha da musidzana muswa a tshi tsa nga tshiñaratà fhano Jeffersonville, ho vha hu tshi tou vha kokotolo vhunga ilo bono. Nda tea fhedzi u fara zwanda zwanga fhethu huthihi. Zwo vhonala nga maanda zwi tshi nga ilo bono la Sharon wanga muñuku! O vha e musadzi muswa nga itsho tshifhinga.

²¹ Huno nga murahu ha ilo bono nga ayo matsheloni, musi e Vhugalani, nda . . . Hope o vha a tshi khou mmbudza, o vhea tshanda tshawe u mona na shada langa, a tshi khou ri, “Ni songo vhilaela nga riñe, Bill. Ri khwine.” Ndo vha ndi tshi khou tou lingedza u ñivhulaha. Huno a ri, “Ni songo vhilaela. Mpfulufhedziseni uri a ni tsha ño vhilaela.”

²² Huno nda ri, “Ndi nga si zwi fulufhedzise, Hope, ngauri ndi—ndi—nne ndi . . . Ndi a vhilaela. A thi koni u zwi litsha.”

²³ Huno nda bva kha bono, ndo ima lufherani lu re na swiswi. Huno hu si bono, hu si khumbulelo, fhedzi tshanda tshawe tsho vha tshi tshi kha ñi vha u mona na nne. Huno ene o vha a tshi khou mphaphatha. Nda elekanya, “Imani lwa muniti. Ili a si . . .” A tho ngo ñivha uri ndi nga li vhidza mini mañuvhani ayo, bono. Ndo li vhidza u vha mayani. Nda ri, “Ili ndi . . . Tshanda tshawe tshi kha ñi vha heneffho.” Nda ri, “Naa ni fhano, Hope?”

²⁴ A ri, “Bill, mpfulufhedziseni uri a ni tsha ḍo vhilaela nga ha nne na Sharon.” Ngauri, ndo vha ndi magumoni a ndila. Ndo vha ndo dilugisa u divhulaha.

Nda ri, “Ndi a ni fulufhedzisa.” Huno a nkuvhatedza, nahone a mphaphatha nga tshanda tshawe.

Huno zwenezwo nda–nda ri, “Hope, naa ni ngafhi?” Nda vha... pfa, u swika ndi tshi fara ngedane thukhu kha tshedza huno nda i kokodza. Nda tshimbila u mona hoṭhe, nda ṭoda kha tshidulo tshinwe na tshinwe, u vhona arali o vha o dzula henehfo.

Ndi ene Mudzimu. U tou vha nga maanda Mudzimu, namusi, sa zwe A vha e zwone kha Thavha ya Phenyiso musi Mushe na Eliya vha tshi bvelela. U kha di vha Mudzimu.

²⁵ Ri nga di fhira kha vhuleme vhunzhi na milingo. Itonu elelwa, hu na Muhiwe A no divha, a no funga ndila, a i ita uri i vhe ya vhukuma. A thi divhi zwi re murahu ha xaradeni. Fhedzi ndi divha tshithu tshithihi, ndi gidimela he nda livha hone ha mbidzo ya nthia, ḫuvha linwe na linwe, ndi tshi khou lingedza u tshilela itsho tshiwu tshihulwane tshi no do itea nga linwe ḫuvha; musi ndi tshi ḍo Mu vhona, ro livhana zwifhaṭuwo, huno nda amba nganea, “Ndo tshidzwa nga tshilidzi.” Illo ndi ḫuvha line nda tshilela lone. Ndi tshi sia izwo zwithu murahu, zwi re hone, ndi ṭoda u gidimela phanda, u dzulela u tshimbila fhedzi.

²⁶ Ndi ṭoda iyi thaberenakele, zwino no ima nga milenzhe yaṇu, ndi ṭoda inwi ni tshi dzulela u gidimela he na livha hone ha mbidzo ya nthia. Tshinwe na tshinwe tshire na ita, nambatelanani, ni vhe vho nambatelanaho u ya nga hune ni nga vha ngaho, fhedzi tshifhinga tshoṭhe no bvisela tshanda nn̄da, u swikelela na wana muṇwe muthu-vho, u vha dzhenisa. Fhedzi kha ulu Lutendo lune ra khou lu rera zwino nahone ra khou lu lwela ro difunga, ni songo sudzulutshela kule Halwo nga intshi. Ngauri, arali ni tshi ntenda u vha mulanda Wawe, iyi ndi mbekanyamushumo ya Mudzimu. Na kathihi li nga si vhe kha vhatnu vhanzhi. Tshifhinga tshoṭhe li do vha kha vha si gathi, tshifhinga tshoṭhe lo ralo nahone tshifhinga tshoṭhe li do ralo. Fhedzi, elelwani, zwo ḫwaliwa, “U songo ofha, sambi litku; ndi lufuno lwavhuḍi lwa Khotsi au u u ḫea Muvhuso.”

²⁷ Zwino, hu na tshigwada tsha ofisi dza tshiyhidzo tshashu, madikoni, vhalangandaka, mulavhelesi wa tshikolo tsha Swondaha, vhafunzi, musi tshivhidzo tshashu tshi tshi dzudzanywa. Huno vhoiṇwi, vhatnu, no khetha ofisi idzi na uyu mufunzi. Nne ndi tou vha mulangi wa nyangaredzi, u vhona uri tshi khou tshimbila nga ndila yone, na u ḫea ngeletshedzo na zwiṇwe-vho. Inwi ndi inwi a no khetha mufunzi waṇu, ni khetha vhalangandaka vhaṇu, ni khetha madikoni anu, ni khetha ofisi inwe na inwe ine ya vha hone tshivhidzon i itshi; vhoiṇwi, vhatnu. Nahone ndi mushumo waṇu u ima na avho vhanna, ni a vhona, ngauri vha ḍo ita

dzikhakho. Ndi vha faho. Vha tou vha vhathu, huno vha do ita dzikhakho. Fhedzi arali Muphuresidennde wa la United States a tshi ita khakho, naa ri a mu posela nnnda, sa Muphuresidennde? Ri hangwa nga hazwo huno ra fhirela phanda. Iyo ndi ndila ine ra ḥoda u ita tshivhidzo tshashu zwino. Ndo vha ndi tshi khou mu thetshelesa a tshi rabela, miniti i si gathi yo fhiraho, u itela ayo madikoni. Na u pfa ngei murahu, vhutanzi, ngei munangoni, vhu bvaho kha vhalangandaka, ndila ine na vha kha lithihi ngayo. Zwino dzulani nga iyo ndila. Zwino, inwi mirado imani na avha vhalangandaka, madikoni, na mufunzi. Huno elelwani, musi ni tshi ita itsi uri tshi vhe fhethu huthihi, elelwani uri ndi mushumo wa diabolo u vhona uri itsho tshi a kwashekana. Zwino tshifhinga tshothe zwo vha nga u ralo nahone tshifhinga tshothe zwi do ralo. Fhedzi vhoiwi ni ime na vhaofisiri vhaṇu, huno iyo yo vha i nyambo ye nda vha ndi tshi khou yo i ita.

²⁸ Huno zwenezwo fhano ndi na tshiñwe...tshiñwe tshithu tsha bodo ya buletini matsheloni ano, nga ha muṭangano wa dzibodo na maandalanga adzo. Huno tshi do vha kha bodo ya buletini. Huno ndi na khophi ya Mukomana Roberson, ane a vha mudzulatshidzulo wa ma...wa vhalangandaka. Huno zwenezwo ndi na khophi ya Mukomana Collins, ndi a elekanya, a no shuma sa mudzulatshidzulo wa bodo ya madikoni. Huno zwino, ofisi idzi dzothe dici a vhekanywa u ya nga Luñwalo, huno dzi fanela u vha na milayo ya Luñwalo ya zwine vha fanela u ita. Ngauralo-ha, vhalangandaka vha na ofisi ya vhone vhaṇe. Huno madikoni a na ofisi ya one aṇe. Mulavhelesi wa tshikolo tsha Swondaha u na ofisi ya ene muṇe. Huno mufunzi ndi ḥoho ya sambi.

²⁹ Zwino, muñwe na muñwe wa avha u na zwithu zwi fanaho. Huno ndi elekanya uri muṭangano waṇu a wo ngo tea u vha fhethu huthihi, fhedzi u tea u vha sa ofisi nthihi, ngauri madikoni ha na tshine a nga amba kha vhalangandaka nnḍani ha musi a na muñwe mushumo une a ḥoda u u nekedza khavho. Huno nga u fhambanyisa, vhalangandaka vha lāngā tshelede na zwithu zwa tshifhato; a vha na tshithu na madikoni. Madikoni ndi mapholisa a tshivhidzo, na vhafarisi vha mufunzi. Huno vhalangandaka ndi vhafari vha ndaka yothe. Vhalangandaka a vha na mushumo na magumo azwo a maya, na mudikoni ha na mushumo na magumo azwo a tshelede. Ngauralo-ha, zwi fanela u ralo. Huno mulavhelesi wa tshikolo tsha Swondaha u langa tshikolo tshawe tsha Swondaha. Ngauralo ndi nazwo zwothe zwo ñwaliwa, zwo thaiphiwa, uri zwi vhe kha bodo ya buletini.

³⁰ Huno zwenezwo na riñe ri khou yo dzenisa, kha fureme, Pfunzo ine tshivhidzo tsha ima nayo, huno ra I dzenisa kha fureme fhano, tshivhidzoni; ine ra imela yone, mi—milayo, Pfunzo ya tshivhidzo. Zwino, u vha tshivhidzo, ri tea u vha na pfunzo.

³¹ Rine a ri iti miñwe mikano-vho, huno ra ri, "Riñe ri tou ya vhukule *uvhu*." Riñe ri a bva ra vha vhukule, vhune ra vha na vhutama na muñwe na muñwe, vhune Mudzimu a ño ri tendela u ya, Mañwaloni Awe, na vhatu. Huno zwino faranani, ni vhe kha lìthihi, mbilu nthihi, huno ni fhirele phanda ni tshi itela Mudzimu. Iyo ndi ñdila ine Mudzimu a ño ñda ri tshi ita.

Zwino kha ri rabele, huno zwenezwo ri vule Ipfi.

³² Oo Murena wa vhuthogwa, riñe zwino ri tsini na u sendela Ipfi Likhethwa, kana u vhalwa ha Ipfi ili. Ngavhe Muya Mukhethwa Wau u tshi ri talutshedza zwine ra ñoda. Huno i ri ri ambe, Murena, huno ri shume nahone ri tshile, ri tshi zwi ñivha zwauri roñhe ri vhana Vhau, nga tshilidzi, sa izwi Wo ri vhidza. Ngavhe hu tshi vha na vhutama tshivhidzoni itshi, ri tshi vhona uri ri tou vha tsini na u vhonala ngomu ha muñwe mushumo muhulwane, ri a pfa, wa u alusa vhañwe vhashumeli uri vha bye vha ye ngomu masimuni a hune, arali Iwe u tshi ño nthumela ngomu zwipiñani zwe fhambanaho zwa shango, henengei u imisa Lutendo, na u vha na mushumeli o dilugisaho nahone a funaho, nahone o pfumbudzelwaho u dzhia ndango. Huno ngavhe Lutendo lwe lwa ñekedzwa kathihi kha vhakhethwa, lune ra lu imela nga tshivhindi, lu tshi vha mutengelele u mona na shango. Zwi tendele, Murena. Ngavhe iyi tshene ñukhu i tshi thophekana, sa zwe ya vha i zwone lìñwe duvha musi ri tshi i kumedzela kha Iwe, ngavhe hu tshi vha na tshivhidzo tshi no takuwa fhano, Murena, tshine khatsho ha ño bva vhashumeli na vhaevangeli na vhadededzi na vhafunziruñwa vha no ño ya, kha zwipiñida zweñothe zwa shango.

³³ Riñe ri ño humbeli, matsheloni ano, phañtutshedzo ya tshipentshela ya Mukomana washu na Khaladzi Stricker a no khou tambula zwino. Fhedzi ri a zwi ñivha zwauri roñhe ri a vha kha iyi milingo. Murwa muiwe na muiwe a no da kha Mudzimu u fanela u rwiwa, a llingwa. Huno arali ri tshi litsha nga ñdila i sa kondi, huno ra humela murahu, zwenezwo ri vhana vha vhutondolo, huno a ri vhana vha Mudzimu. Nea Mukomana na Khaladzi Stricker nungo na maanda, u dzula fhetu havho ha mushumo. Arali vha tshi tea u humbeli zwiliwa zwine vha la, i ri tshanda Tshau tsha phañtutshedzo tshi vhe khavho. Ngauri a ri zwi ñivhi uri zwi nga di vha nga vhudidini honoho vhune Wa ño sumbedza ngaho ngwaniwapo wa Afurika zwine Mukriste wa vhukuma a vha zwone. Zwi tendele, Murena. Zwino i ri zweñothe zwi itwe u ya nga lufuno Lwau.

³⁴ Fhañtutshedza uyu mufunzi, Murathu Neville. Ri a rabela, Murena, zwauri U ño mu ita mulisa wa sambi, sa zwe Wa ralo tshifhingani tsho fhiraho. Huno ri nga si hangwe mufumakadzi wawe a funwaho, muñku a no khou lwala nga maanda. Swina li ño takalela u sia Murathu Neville na itshe tshigwada tsha vhana, tshi si na mme, fhedzi ri a ima nahone ra vhe, nga lutendo, Malofha a Yesu Kristo vhukati ha ilo swina na khaladzi

ashu. Ngavhe Muya Wau, Murena, u tshi vha muhulwane khae, ri tshi zwi divha uri vhasadzi vhothe vho telwa u tshimbila nga kha ili govha, la swiswi la tshino tshikhathi, fhedzi ri rabela uri U do vha nae. Fhatutshedza avho vhana vhatuku. Ene u do vha na mazhuluzhulu zwino, nahone a thuphea, fhedzi ngavhe Muya Mukhethwa u tshi vha muñangoni wa khathutshelo, nga zwifhinga zwethe, u itela uyo muña.

³⁵ Fhatutshedza bodo ya vhalangandaka yashu, Mukomana Wood washu, na Mukomana Egan washu, Mukomana Roberson, na vharwe vhothe, Murena. Madikoni, vhalangandaka, na vhothe vho dowelwaho tshivhidzoni, ri a rabela, Murena, uri U do vha tendela u shuma tshifhinga tshavho vha na vhukhethwa na—na u luga. Fhatutshedza avho, Murena, vhe vha shuma zwifhingani zwe fhiraho. Huno ri rabela uri U do isa phanda na u vha na riñe rothe, uri ri do divhea sa tshivhidzo tsha vhuthihi, na Muya na lufuno lwa Murena. Ri a rabela zwino uri U do ri kovhela Ipfi, sa zwine ra vha na thodea, sa zwe ra vuala zwi bvaho kha Ipfi lo nwalawaho Lau. Ngauri ri zwi humbela Dzinani la Yesu. Amene.

³⁶ Huno nga u rabela, ndo vha ndi tshi khou elekanya musiro vha ri tshi khou fhatutshedza kana ri tshi khou humbela phatutshedzo dza ya musalauno... bodo ya vhalangandaka yashu ntswa na dziñwe-vho, ndo vha ndi tshi khou elekanya nga ha Mukomana Fleeman washu na Mukomana Deitzman na avha vho dzulaho hafha, vhe vha shuma zwavhuđi, u rangani. Huno ri ḥoda u livhuwa Mudzimu nga nthani ha tshumelo i fulufhedzeaho yavho. Ngavhe Murena misi yothe a tshi vha navho, u vha fhatutshedza na u vha thusa. Ndi ḥoda u vuala ri sa athu... Itonu elelwa zwino, bodo ya buletini na zwiñwe-vho, na miñangano i no khou da.

³⁷ Huno ri takalela u vha na riñe, matsheloni ano... Zwe luga, ndi nga zwi amba ngaurali, munna we a vha e wa vhuñhogwa nga maanda kha nñe, zwifhingani zwe fhiraho, nahone e wa vhuñhogwa zwino, mukomana wavhuđi, Fred Sothmann, a bvaho... na mufumakadzi wawe, a bvaho Saskatchewan, Canada, a re fhano u dzililela kha riñe, kha lushaka lwashu, mueni; fhedzi kha vhuñama hashu, mukomana a funwaho, Mukomana Fred Sothmann o dzulaho henefho. Unndangela fulo musi ndo vha ndi ngei Canada.

³⁸ Huno muñwe mukomana wa vhuñhogwa ane a vha uri na ene kale o vha e wa Canada, we a vha e ramabindu, huno a nga kona u sumbedza shango zwauri ni nga si kone u nea u fhira Mudzimu. Ene na khonani yawe vho vhumba tshithomiwa tsha tshelede tsha u fhaña fhethu, kana tsha thumo isili, tshithomiwa. Huno vha mmbidza ngei Oakland, u itela mutangano, huno vha ri vha na tshelede. Vha do u lambedza woñhe, kha tshithomiwa tshavho.

³⁹ Mukomana Fred na nñe ra zwi lingedza nga tshelede ye Mukomana Fred a vha e nayo, ye nda vha ndi si nga i dzhii sa

muthu. Ngauralo zwenezwo ra dzhia tsheo ya uri ri do i nea vhatu vha Canada huno ra si vhuye ra dzhia munikelo, fhedzi a two ngo tshimbila zwavhuđi nga maandā. Miłangano yo vha i yavhuđi. Fhedzi ngauri ri songo dzhia munikelo... A thi londi arali tshivhidzo tshi tshi dura dolara dza bilioni dza qana, ni kha di zwi koloda, kha Mudzimu, u dzhia munikelo. Itsho ndi tshipida tsha u luvha. Huno itsho na tshi fhura... Vhunga zwinzhisa ndo lwa na tshelede na zwithu nga u ralo, ndi a wanulusa, musi munna o khakha, ndi khwine ni tshi tenda uri no khakha, ngauri Mukomana Fred na nne ro zwi vhona zwi tshi fhela nga ndila i si yavhuđi nga maandā.

⁴⁰ Huno, Mukomana Borders, musi ndi tshi sia Mukomana Fred huno nda tsela fhasi kha inwi ngeyo Oakland, ndo ri, "Ni songo zwi ita. Inwi itonu fhirisa phulethi ya zwifhiwa, na dzhia munikelo, na, tshinwe na tshinwe tshi re tshone, tshi vhuyedzedzeni kha tshithomiwa tshańu u itela muniwe mułangano huńwe fhethu."

⁴¹ Huno tshumelo dzi sa athu vala, Mukomana Border na khonani dzawe vha da kha nne, huno vha ri, "Zwinzhisa zwine ra zwi dzhenisa mu—mułanganoni, two no di dzhiwa."

⁴² Huno zwenezwo, mađuvha a si gathi o fhiraho, a ita mbekanyo ya mułangano ngei San Jose, California, he a vha e na zwinwe, ndi a humbulela zwivhidzo zwa furathi kana zwa fusumbe govhani, zwa thendo dzothe dzo fhambanaho zwi tshi shumisana zweithe. Ro vha na mułangano u mangadzaho, na u humela murahu hafhu, Lara. Ri takalela u vha na vhoiñwi, Mukomana Borders na Mukomana Fred no dzulaho ngeyo murahu. Huno avha vhanna khamusi ndi vhatinda kha vhoiñwi nothe, fhedzi vho vha vhe vhakomana vha vhuthogwa kha nne nnđa masimuni, vha tshi khou lwela Lutendo lune ra lu imela vho difunga. Mudzimu a ni fhañutshedze, mukomana. Ri takalela u vha na inwi matsheloni ano, kha thaberenakele thukhu, ya kale fhano. A i tou sedzea nga maanda. Fhedzi hu na tshinwe tshithu fhano, tshine, ra ñivha uri Mudzimu u tshila fhano, ni a vhona, ngauralo izwo ri a zwi takalela. Huno hu na vharathu vha vhuthogwa, arali ndo vha ndi na tshifhinga tsha u bula, vha re na riñe ñamusi.

⁴³ Zwino nne ndi khou lavhelela na u rabela uri kha mađuvha a si gathi a tevhelaho, Murena a tshi funa, ndi ḥoda u ḥuwa, ndi tshi pfa ndi tshi rangwa phanda... A tho ngo ita ndivhadzo. Mułangano u tevhelaho, wa u ya Ohio, u vha na Mukomana Sullivan, mavuni a gammiba, nga tshifhinga tshipfufhi. Hu tou vha fhedzi maela dzi no ḥoda u swika dana ngei n̄ha, ndi a humbulela, Gene, tshinwe tshithu tsha u ralo. Nga lu vhe lwendo lwavhuđi, a no ngo pułana holodei yanu, arali Murena a tshi isa phanda na u ri ranga phanda. Munna wavhuđi nga maandā, huno ri takalela Mukomana Sullivan, nga maandamaanda. U tou vha... Ndi ene ñedorobo wa mudi. O

vha a tshi tou vha nedorobo o bvaho, nahone a tshi tou vha wa Kentucky wa tshikalekale. Ndi zwenezwo fhedzi zwine ndi nga amba nga hae. Musi ndi tshi tangana nae liñwe ñuvha ngei... Rine rothe ro aluswa henengei thavhani dza Kentucky. A ri kha nñe, "Naa ni kha ñi vha na asafetida u mona na mutsinga wañu, Billy?" Zwino ni a ñivha uri Kentucky i hani—hani. Zwino kha ri fhende ngomu...

Hu si na u nyadza vharathu vhanga vha Kentucky fhano, Mukomana Jefferies, na vhanwe-vho. Nñe ndi wa Kentucky, na nñe-vho, ni a ñivha. Ndi do ni vhudza tshithu tshithihi tshiné ra vha tphone. Rine a ri vha Kentucky, kana nahone a ri Vhaamerika. Ri vhafhiri na vhatsinda. Ri khou ñoda Mudí u no ño ña.

⁴⁴ Zwino u itela u vhala, kha ri vhale kha Bugu ya Ekisodo, lwa miniti i si gathi. Ndi tama u vhala kha ndima ya vhu23, na ndimana ya vhu20 u swika kha ya vhu23, dzo katelwaho. Huno ndi toda u dzhia liñwalwa matsheloni ano, li bvaho kha li no nga ili, la ili, kha ndi ralo: *Phuluso Ya Tshoñhe*. Huno a thi nga lapfisi, kha u amba, zwino musi ndo vha ndo ni lindela uri ni fhende kha Bugu yañu na ndima.

Vhonani, Ndi ruma Muruñwa phanda hau, wa u u linda ndilani, na u u ñisa kha fhethu he Nda hu lugisa.

Mu thanyele,...thetshelesa ipfi ñawe, u songo mu sinyusa; ngauri a nga si hangwele zwivhi zwau: ngauri dzina ñanga li khae.

Nñe ndi na ngoho ya uri tshivhidzo tshi a ñivha uri uyu Muruñwa o vha e nnyi. "Dzina Langa li Khae."

Huno arali iwe nga ngoho u tshi do thetshelesa ipfi ñawe, huno wa ita zwoñhe zwine Nda amba; zwenezwo Ndi do vha swina kha maswina au, na mupikisi kha vhapikisi vhau.

Ngauri Muruñwa wanga u do u ranga phanda, huno a u ñisa...kha Vhaamori,...Vhahithi,... Vhapherisi,...Vhakanana,...Vhahivi, na... Vhajebusi: huno Ndi do vha tumula.

⁴⁵ Ngavhe Murena a tshi fhañutshedza Ipfí Lawe musi ri tshi amba zwino lwa miniti i si gathi, arali ni tshi rabela. Ndo vha ndi tshi khou elekanya nga ha iyi thoho, ya: *Phuluso Ya Tshoñhe*.

Tshivhidzo tsho vha tshi kha—kha vha si gathi. Tshi do ralo tshifhinga tshoñhe, kha mirado, u swika Yesu a tshi ña. Fhedzi Tshi khou tshila fhasi ha pfanelo Dzatsho dzo ñewaho nga Mudzimu. Arali ro vha ro ñivha fhedzi, itshi ndi Tshivhidzo tsha Mudzimu a tshilaho; hu si Thaberenakele ya Branham, fhedzi Thaberenakele ya Branham i tou vha tshipiða Tshatsho. Hu na dzinwe thaberenakele dzo raloho kha shango.

⁴⁶ Mukomana Snelling, madekwana a ñamusi, u na tshumelo ya ndovhedzo. Ndo hangwa uri Mukomana Curtis o mmbudza

uri ndi ḋivhadze hezwo, kana o mmbudza mulovha, uri o vha e nayo. U na tshumelo ya ndovhedzo. Huno arali muñwe muthu fhano a sa athu lovhedzwa na kathihi, nangwe, mulandu, Mukomana Snelling u do takalela u ita izwo, madekwana a ñamusi. Iyo ndi Thaberenakele ya Vhukhethwa ngei Utica. Na Mukomana Junior Jackson, ngei New Albany. Huno hu na zwivhidzo zwinzhi two raloho kha shango. Fhedzi riñe roþe ri khou tshila, hu tou nga, kha sia lo kundwaho, nga, u anganya.

⁴⁷ Ndo pfa Murathu Neville a tshi ḋivhadza matsheloni ano, ngeyo murahu, zwauri two nga zwi a ða thalukanyoni yanga, zwauri hu vhonala zwauri vhathe vha khou tutshela kule ha phuluso. I vhonala i tshiñwe tshithu, tshine, vhathe vho tshi vhaba, ngauralo vha tshi sukumedzela nnda thungo nthihi, “Oo, two luga, Mudzimu a nga zwi ita.” Fhedzi uvho a si hone vhudifari.

⁴⁸ Zwino, Mushe, musi a tshi vhidzwa nga Mudzimu, o vha e muporofita wa tshoþhe, o vuledzeaho.

Musi Mudzimu a tshi ruma muthu u yo ita tshiñwe tshithu, U a mu shomedza lwo vuledzeaho nga tshiñwe na tshiñwe tshine a tshi tðoda. Arali Mudzimu a tshi vhidza munna uri a vhe mureri, U vhea tshiñwe tshithu khae tsha u rera ngatsho. Arali A tshi mu vhidza uri a vhe mudededzi, U vhea tshiñwe tshithu khae tsha u dededza ngatsho. Arali A tshi mu vhidza uri a vhe muporofita, U vhea tshiñwe tshithu khae, u vhona mabono na u vha muporofita. Mudzimu tshifhinga tshoþhe u shomedza munna Wawe lwo vuledzeaho.

Huno izwo zwi tou vha zwe A ita musi A tshi ruma Mushe ngomu kha ja Egipita. O mu alusa nga iñwe ndila. Huno O mu džhenisa tshikolo nga iñwe ndila, huno A mu vhumba, huno a mu ita, nahone a mu nea tshivhumbeo. Nga murahu ha musi O no fulufhedzisa Abrahamu, miñwaha ya ðana i sa athu swika, zwauri U do phulusa vhathe, zwenezwo thalukanyoni O—O vha e na ja uri U do ita Mushe nga ndila ye Mushe a itwa. Mushe o vha e muporofita o vuledzeaho. Huno zwenezwo, e muporofita o vuledzeaho, zwenezwo...

⁴⁹ U tou fana na inwi, arali ni Mukriste, Mudzimu ha iti vhañwe Vhakriste vha vhukati-vho. Mudzimu u ita Vhakriste vho vuledzeaho. Mudzimu ha iti vhareri vha vhukati, fhedzi mureri a nga vha vhukati. Huno Mudzimu u ita vhana Vhawé Vhakriste, fhedzi tshiñwe tshifhinga vha vha Mukriste wa vhukati. Fhedzi a si ndivho ya Mudzimu ya uri vha vhe nga iyo ndila. Ndi ndila dza vhone vhane dzo vanganaho na pułane ya Mudzimu ya vhutshilo havho, huno izwo ndi zwone zwine zwa vha ita nga ndila ine vha vha ngayo. Mudzimu ha tðodi vha tshi vha Vhakriste vha vhukati, kana vhareri vha vhukati, vha tshi leludza kha liñwe sia, kana... U tðoda vha tshi ima lwo vuledzeaho vhukati.

⁵⁰ Zwino, Mushe, Mudzimu o mu ita muporofita o vuledzeaho, u itela phuluso yo vuledzeaho. Huno Mushe o vha o kumedzelwa zwanđani zwa Mudzimu lwo vuledzeaho. Itshe ndi tshone tsho mu itaho zwe a vha e zwone. O vha o vuledzea nga maanda kha Mudzimu u swika Mudzimu a tshi kona u mu fulufhela.

⁵¹ Ndi a mangala, matsheloni ano, sa Vhakriste, arali ro nekedza lufuno lwa rine vhane, nahone ro dinemekedza lwo vuledzeaho nga maanda kha Mudzimu, u swika Mudzimu a tshi ri fulufhedza fhethu he A ri vhea hone. Ndi a mangala, matsheloni ano, zwa nne munę, arali ndi tshi nga dinmekedza nga maanda kha Mudzimu u swika Mudzimu a tshi kona u mpfulufhela, a tshi kona u fulufhela Murathu Neville, a tshi kona u fulufhela bodo ya vhalangandaka yashu, bodo ya madikoni yashu, kana mirađo yashu ya tshivhidzo tshashu. Rine rothe ri na fhethu, nahone ri na mushumo.

⁵² Mushumeli u na fhethu ha mushumo, u ima na u rera lupfumo lu sa londei lwa Kristo, a si na u leludza, arali o vhidzelwa u vha mureri. A nga si vhabhalele na tshithu na tshithihi u itela muthu muthihi, arali o vhidzelwa u vha mureri.

⁵³ Huno murađo wa tshivhidzo, o vhidzelwa u vha murađo wa itshe tshiñwe tshigwada, zwenezwo a nga si leludze. Arali tshivhidzo tshi tshi tenda uri ri songo gembula, zwenezwo uyo murađo a wo ngo tea u kwama deke ya magarađa. Rine a ri tendi kha u nwa, u tea u rembulusa ḥohoh yawe lwo vuledzeaho kha u nwa. Arali ri sa tendi kha u gembula, kana u daha, murađo wa tshino tshivhidzo na kathihi ho ngo tea u kwama tshithu tsho raloho. Mudzimu u nea phuluso yo vuledzeaho. Musi ri . . .

U do zwi ita arali ri tshi do dikumedzela lwo vuledzeaho Khae. Arali ri tshi do diisa lwo vuledzeaho ngomu tshandani Tshawe, zwenezwo Mudzimu a nga kona u tshila kha rine. Kristo, Fulufhelo ja Vhugala, A nga kona u Divhonisa nga rine musi ri tshi dibvisa ndilani. Zwenezwo mihibumbulo yashu ndi mihibumbulo Yawe. Naa ni nga humbulela Kristo a tshi daha sigara? Naa ni nga humbulela Kristo a tshi nwa, kana a tshi tambo magarađa? Zwenezwo arali muya wañu u tshipida tsha Muya Wawe, U ḥoda zwi tshi vha kha u bula hanu. Fhedzi inwi ni tendela diabolo u dzhena nahone a dzhia ndango. Huno tshifhinga tshothe, mbiluni yanu, kule fhasi-fhasi, ni a divha uru ni a khakha musi ni tshi ita izwo zwithu.

Huno musi muňwe murado u tshi do amba u tshi lwa na muňwe murado, ni a zwi divha uri izwo zwo khakhea. Inwi ni laiwa u rabelisana, hu si u amba ni tshi lwa nga tshanu, fhedzi u funana. Huno arali muňwe e fhasi, kha ri mu dobe, ri mu thuse. Zwino, izwo zwi ri ita tshi—tshi—tshigwada tshi re na pfano tsha vhatendi. Zwino, musi izwo ri sa zwi thetshelesi, zwenezwo rine a ri thetshelesi Mudzimu nahone a ri takadzi Mudzimu. Huno ngauralo-ha, tshivhidzo tshashu, vhatu

vhashu vha nga si kone u bvelela, tshivhidzo tshi nga si kone u bvela phanda, ngauri a ri na pfano, rothe. Vhunga Yesu o amba, "Dini lituku li dungisa vhuswa."

⁵⁴ Zwino, arali bodo ya tshivhidzo, kana vhunga ma—madikoni, vha tshi do da huno vha amba zwauri ro vha ri tshi do...ri tshi elekanya zwauri ri tea u fhaṭa thaberenakele ntswa. Arali iyo i voto ya madikoni, huno vhalangandaka vha tshi vhoniwa huno vha si na tshelede ya u zwi ita, zwenezwo vha na mbekanyamushumo ya u fhaṭa vhunga ine ra vha nayo i no khou bvela phanda zwino. Huno zwenezwo ya langiwa nga vhathetshelesi nga u angaredza, sa zwine ra tea u vha zwone, tshivhidzo tshothe tshi tshihulwane. Zwenezwo arali tshivhidzo tshi tshi votela thaberenakele ntswa, zwenezwo riŋe rothe ri tea u shumisana kha u fhaṭa iyo thaberenakele ntswa.

⁵⁵ Zwi khagala, nne mune, musi vho amba nga ha thaberenakele ntswa, kha nne, ndo vha ndi tshi lwa na uyo muhumbulo. Izwo ndi zwone. Nda ri, "Riŋe a ri todii thaberenakele ntswa kokotolo. Hu na khonadzeo ya uri ndi do vha ndi tshi khou tuwa fhano hu si kale nga maanda, vhunga Murena...arali zwe A ntsumbedza zwone zwi tshi khunyelela. Naa ri ḥođani nga thaberenakele ntswa? Riŋe a ri na tshelede."

⁵⁶ Zwenezwo ndi tsela fhasi huno nda pfa vhudipfi ha tshivhidzo, ha uri tshivhidzo, nga vhunzhi, tshi vhonala tshi tshi i ḥoda. Zwenezwo naa ndo itani? Ndo naledza mihibumbulo ya nne mune huno nda tendelana na tshivhidzo. Ngoho, kha ri zwi ite. Arali...Iyo ndi ndila ine ra ita madeňwa, iyo ndi ndila ye zwa vha zwi zwone tshifhingani tsha Bivhili, ndila ye tshivhidzo tsha vota. Vhu—vhuhulwane, zwigwada zwa vhatthu, zwi a kuvhangana. Kha vhuthihi hu na nungo. Ngauralo, ngauralo-ha, nda ri, "Zwa vhukuma, arali iyo i ndila ine tshivhidzo tsha ḥoda, arali izwo zwi zwine Mudzimu a ḥoda, U na maandalanga o engedzeaho a u vota vhukati ha tshigwada tshothe tsha vhatthu u fhira ane A vha nahoh kha nne, ngauri a thi na bono la u amba zwauri i songo ralo." Ngauralo ri a tendelana na tshivhidzo, huno ra tshimbila na tshivhidzo. Huno nne ndi murahu hatsho, u ita zweṭhe zwine nda kona, ni a vhona, u thusa tshivhidzo.

⁵⁷ Itsho tshi tea u vha tshiṭuwedzi tsha Mukriste muňwe na muňwe na muthu muňwe na muňwe tshivhidzoni, u itela u ḥiita vha re na pfano nahone ra farana. Tshiňwe na tshiňwe tshine tshivhidzo tsha tshi votela, itsho ndi tshone tshine ra tea u tshi imela. Zwenezwo ni ri, sa tsumbo, vha ḥoda u shandukisa tshiňwe tshithu tshivhidzoni. Zwo ralo, zwenezwo, arali vhalangandaka vha tshi ḥoda u ralo, uyo...muňwe muthu-vho u ḥoda u ralo, madikoni, a ḥoda u shandukisa tshiňwe tshithu, itsho tshi da phanda ha tshivhidzo, tshivhidzo zwenezwo tshi fhethu huthihi. Huno arali washu—arali muhumbulo washu fhano u tshi vhonala wo fhambana zwituku u fhira zwe tshivhidzo tshothe tsha amba, kha ri naledze uyo muhumbulo,

ngauri iyo ndi yone ndila i yothe ine ri nga ima ro tangana. Huno arali itsi tshivhidzo tshi tshi nga tou bvela phanda nga ndila ine na khou tshimbila zwino, huno na tangana nothe, Mudzimu u do... A zwi na phimo, zwine A do ita, arali ri tshi do farana. Ri fanela u farana. Iyo ndi ndila ine ra toda u vha ngayo, ro vuledzea nga maanda nga tshashu, nahone zwenezwo ro vuledzea nga maanda zwandani zwa Mudzimu.

⁵⁸ Zwenezwo ri tea u vha na munna ake ra tenda uri u rera Ipfi la Mudzimu. Arali uyo munna a sa zwi iti, zwenezwo wanani muwe muthu a no zwi ita. Iyo ndi ndila ine ra fanela u ima. Arali bodo ya vhalangandaka i si nga imi nga zwine zwa vha zwone, zwenezwo ndi mushumo wanu u khetha muwe muthu a no do imela zwi re zwone. Huno zwenezwo musi ni tshi zwi ita, imani nazwo. Zwi kha inwi. Imani nazwo. Huno, rothe khathihi, ro imela Tshithu tshithihi, tshi re Mudzimu.

⁵⁹ Arali murado wa ita khakho, ni songo u thudzela kule. Mu thuseni. Mu vuseni. Kuvhanganani, ni thetshellesane. Izwo ndi zwine Luñwalo lwa amba. Musi ri tshi ita khakho, kha ri ye phanda ha Mudzimu. Ri sa athu ya phanda ha Mudzimu, ri tea u ya phanda ha muthu we ra mu vhaisa.

⁶⁰ Ndo do tea u tou ita hezwo. Huno ndi a divha uri ndo ita two khakheaho. Ndo zwifha, nda vhangela mufumakadzi wanga u zwifha. Ndi tenda uri ndo ni vhudza nga hazwo, fhano tshivhidzoni. Ho vha hu maduvha a si gathi, hu si kale, ho no fhela vhege dzi no todou swika rathi. Vhoramilayo vha vho ita uri ndi kherukane nga maanda, malugana na iyi tsenguluso, u swika ndi si tsha divha he nda vha ndi hone. Ndo do tou ya hayani u bva ofisini, u la tshiswiñulo. Huno nomboro ya phuraivete ya founu ya lila, huno Meda a ya u fhindula founu. A vhea tshanda tshawe khayo, a ri, "Ndi avho vhoramilayo hafhu."

⁶¹ Nda ri, "Ndo kundelwa u kondelela mañwe madekwana. Thoho yanga i pfala i tshi nga i khou bva. Nge ndi khou xelewana nga thalukanyo yanga, i sokou nkokodzela thungo iyi, na thungo iyo, na thungo iyi." Nda ri, "A thi koni u zwi kondelela." Huno nda fhufha, huno nda ri, "Vha vhudzeni uri nge a thiho ngomu hafha," huno nda gidima u mona hothe murahu ha nndu.

⁶² Musi ndi tshi vhuya... Meda u kwamea nga maanda luvaloni nga izwo zwithu. A tangana na nne muñangoni, a tshi khou lila lwa hafu. A ri, "Bill, naa itsho tsho vha tshi tshithu tshi re tshone u tshi ita?"

⁶³ Inwi ni a divha uri ni hani. Ndi a divha uri ndi hani. Nda ri, "Ngoho. Ndo vha ndi siho ngomu hafha tshifhingani itsho." Ndo zwi divha uri Mudzimu o nkhañulela zwone. Nda ri, "Ndo vha ndi siho ngomu hafha tshifhingani itsho."

Ha pfi, "Fhedzi no vha ni ngomu hafha musi a tshi founa."

⁶⁴ Nga masiari ayo nda ya u rabelela lushie lu lwalaho. Huno ndi sa athu tuwa nduni, founu ya lila hafhu, huno Joseph

muṭuku a gidima huno a fara founu huno a ri, “Baba, vha ṭoda ndi tshi vha vhudza uri vhone a vhaho fhano?” Ni a vhone uri tshivhi tshi tshinya hani, u ḫo vha muṭa-đe mafhedziselon?

⁶⁵ Yohane Ya U Thoma, ndima ya vhu⁵, na ndimana ya vhu²¹, yo ri, “Arali mbilu dzashu dzi sa ri haṭuli, zwenezwo ri na vhufulufhelo kha Mudzimu.” Fhedzi arali mbilu dzashu dzi tshi ri haṭula, ri nga vha hani na vhufulufhelo kha Mudzimu? Ri a ḫivha, samusi ri na tshivhi tshi songo buliwaho, na kathihi A nga si ri pfe. Izwo zwo khwaṭha, fhedzi, ndi—ndi—ndi, tshivhidzo tshi ṭoda izwi zwithu.

⁶⁶ Zwenezwo nda thoma u rabelela ulu lushie. Huno ndi tshi thoma u vhea zwanda zwanga khalwo, Murena a nkaidza huno a ri, “Wo amba mazwifhi. A wo ngo fanela u rabelela ulwo lushie.”

⁶⁷ Nda tsiruwa uyo munna. Nda ri, “Munē wanga, inwi itonu lindela hafha. Ndi na tshiñwe tshithu tshine nda tea u tshi lugisa.”

⁶⁸ Nda vhidza ramilayo huno nda tsela fhasi ofisini, nda mu vhidzela ngomu. Nda ri, “Sedzani, muṇe wanga, ndo amba mazwifhi. Ndo ita uri mufumakadzi wanga a zwifhe. O ri ndo vha ndi siho ngomu heneffo, huno nda gidimela nn̄da murahu ha nn̄du.” Huno nda zwi bula nahone nda mu vhudza nga hazwo.

⁶⁹ A tshimbila huno a vhea zwanda zwawe kha shaḍa ḥanga. A ri, “Mukomana Branham, tshifhinga tshoṭhe ndo vha na vhufulufhelo kha inwi, fhedzi zwino ndi na ho engedzeaho zwino, munna,” a ri, “a no funa u lugisa zwo khakheaho zwawe.”

⁷⁰ Nda mu vhudza, nda ri, “Ndo thoma u rabelela lushie, huno Murena a tou nkhaṭula, mbiluni yanga, ngauri ndo zwi ḫivha uri ndo khakha.”

⁷¹ Zwenezwo, ḫuvha li tevhelaho, mufumakadzi a ri, “Naa ni khou yafhi?”

Nda ri, “Bakoni ḥanga.”

⁷² Huno nda gonya bakoni ḥanga, n̄ha nga phanda ha Charlestown, he nda vha ndi tshi khou ḫi ya, lwa miñwaha. Nda dzhena ngomu heneffo, huno nda rabela iļo ḫuvha loṭhe, “Oo Mudzimu, na kathihi u songo ntendela u ita tshithu tshi no nga itsho hafhu. U nkhangwele, Murena, ngauri musi ndi tshi thoma u vhea zwanda zwanga kha vhatu vha lwalaho, u rabela, zwenezwo nda haṭulwa.” Hu tshi ṭodou vha awara ya vhuraru nga madekwana, ndi a bva. Hu na tombo lihulu li re heneffo. Huno nda namela iļo tombo huno ndo sedza n̄ha u yela vhubvađuvha, zwanda zwanga zwi n̄ha, ndi tshi khou renda Murena. Huno ho vha ho tou fhumula ngomu heneffo. Huno nda ri, “Murena, arali U tshi nga tou... Nga tshiñwe tshifhinga Wo fhira kha Mushe, huno a ri ho vha hu... musi Wo vha u nae kha mutwe wa tombo, huno tsha vhonala tshi tshi nga tshipida tsha murahu tsha munna.” Nda ri, “Naa U nga

zwi ita hafhu, Murena? I ri ndi zwi ḋivhe uri ndo hangwelwa.” Huno nda ri, “Arali U tshi ḋo nthusa nahone wa da thalukanyoni yanga . . .” Nda ri, “Murena, nne a tho ngo khwath̄ha nga maanda, thalukanyoni, ngauri a thi na pfunzo.” Nda ri, “Huno ndi—nne ndi khou lingedza u U shumela. U ḋivha mbilu yanga, huno a tho ngo . . . Ndo vha ndo tea ndi songo zwi ita hezwo. Ndo vha ndi sa khou amba u ita hezwo. Thoho yanga yo tou pfala i tshi nga i khou bva, ndo vha ndi na mazhuluzhulu nga maanda, huno ndo zwi ita nga tshifhinganyana tsha u fashiwa musi Sathane o mpfara.” Nda ri, “Arali U tshi nkhangwela, i ri ndi U vhone, zwenezwo, Murena.”

⁷³ Mudzimu e Muhaṭuli wanga; heneffo thungo hanga, fhethe huṭuku zwiṭakani hu thoma u mona vhunga Muya, huno U da heneffo nga thungo ha bako he nda vha ndi hone, huno wa tsēla phasi nga kha zwiṭaka. Oo, mukomana, mulalo u fhiraho pfecteso yoṭhe wa swiela kha nne, huno nda lila. Nda tswimila. Nda ṭavha mukosi. Ndi a zwi ḋivha uri zwiṭhi zwanga ndo hangwelwa zwone. Ni a vhona, ndo vha ndo itwa uri ndi songo vha na pfano na Mudzimu, nda kundelwa u vha na phuluso ya lushie.

⁷⁴ Nda . . . Huno ḥenele ḋuvha li tevhelaho ho vha hu na munna a bvaho Chicago, a re munna muhulwane, Mukaṭolika ane a kha ḋi bva u rembuluwa, dzivalavu mbiluni yawe dzo vha dzo kukumuwa vhunga tshupu ya nga ngomu yo dadzwaho maya, huno vho vha vha tshi khou lingedza u dzi tumula lwa tshifhinga tshilapfu, vha tshi khou yo ralo, huno a si vha tendele. Mafhedziselonī a wana muvhudzisano. Iyo mivhudzisano, ri dzula heneffo nayo u swika ri tshi wanulusa tsho khakheaho. Huno munna o no dzhena, u swika Muya Mukhethwa u tshi humela murahu phasi nga kha vhutshilo hawé huno wa amba tshiñwe tshithu tshe a ita musi o vha e mutukana wa aljari tshivhidzoni tsha Kaṭolika. A ri, “Iyo ndi ngoho. Iyo ndi ngoho i fhulufhedzeaho.” Ha pfi, “Naa ni khou amba uri izwo zwe vha zwi tshi lwa na nne?”

Nda ri, “Uyo ndi wonē murunzi fhedzi une nda kona u u vhona vhutshiloni haṇu.”

⁷⁵ A humela murahu n̄tha huno a vhudza dokotela, a ri, “Zwo luga, kuvhanganyani zwithu zwino, ri ḋo vha na muaro.”

⁷⁶ Dokotela a ri, “Ri ḋo ḥola iyo mbilu ya kale hafhu.” Huno musi a tshi sedza ngomu hayo, a ri, “Inwi a ni ḫodi muaro.” Ni a vhona?

⁷⁷ Arali mbilu dzashu dici tshi ri hatula, ri toda phuluso yo vuledzeaho. A ri ḫodi u vha vhukati, tshivhidzo. Ri ḫoda u vha tshivhidzo tsha vhukuma kana a hu na tshivhidzo na luthihi. Ri ḫoda u vha Vhakriste vha vhukuma kana a hu na Vhakriste na luthihi. Ri ḫoda phuluso ya tshoṭhe kha ndowelo dzashu, kha zwiṭhi zwash̄u, kha kuelekanye kwashu kuvhi, kha u ita hashu vhuvhi, kha u sa londa hashu, tshiñwe na

tshiñwe tshe ra ita. Ri ḥoda phuluso ya tshothe, uri musi vhatu vha tshi dzhena ngomu ha itshi tshividzho, uri vha rabelelwe, hu ḥo tou vha na tshigwada itshi tshituku (khamusi vha sa swiki dana, kana mavhili) tsho dzulaho hafha, fhedzi vha ḥo vha vho vuledzeaho zwandani zwa Mudzimu. Huno musi ri tshi rabela, zwenezwo Mudzimu u ḥo pfa e Tađulu. Mudzimu u ḥoda muñwe muthu ane A nga mu fara zwandani Zwawe, muñwe muthu ane A nga ri, "Ndi na vhufulufhelo khae. Ndi nga rumela itshi, mulanda Wanga a lwalaho, kha Thaberanakele ya Branham ngei Jeffersonville, huno itsho tshigwada tsha vhatu tshi kha lithihi." Tshiñwe tshithu tshi ḥo bvelela.

⁷⁸ Zwo luga, sedzani zwine A ri itela kha nyimele ine ra vha khayo. Naa U do itani arali ro vha ri vha mbilu nthihi nahone ri kha lithihi? Ndila i yothe ine ri nga ita izwo, ndi u ita uri mbilu dzashu dzi vhe na pfano na lufuno lwa vharathu, ra thetshelesa vhaofisiri vha tshividzho, na mufunzi, huno mufunzi u thetshelesa Mudzimu. Zwenezwo Mudzimu u shuma nga kha mufunzi, nga kha bodo, fhasi ngomu tshividzoni, huno vhothe vha nyoga nthihi kha Muvhuso wa Mudzimu. Zwenezwo Mudzimu u ḥo pfa, musi ri na tshigwada tshi re na pfano. Ni songo tendela tshithu tshi tshi ni dina. Ni songo mangadzwa nga tshiñwe tshithu.

⁷⁹ Zwino, ulwo ndi lushaka lwa muthu we Mudzimu a mutela u dzhia shango. Mushe o vha o vuledzea, o vha e munna we a vha a si nga leludzi. Arali ho vha hu na mifhirifhiri na u taṭa khani, na zwiñwe-vho, o vha a si nga leludzi. Izwo ndi zwine Mudzimu a ri ḥoda zwino.

⁸⁰ Farao o vha a tshi ḥoda u tenda, a ri, "Mushe, vhoiñwi nothe ni nga ḥuwa, huno, fhedzi, ni sie vhana vhañ murahu, kana ni sie dziñe kholomo dzañu geno murahu."

⁸¹ Iyo ndi ndila ine diabolo a ḥoda Mukriste a tshi da. "Zwi ḥo vha zwo luga kha inwi u vha murađo wa tshividzho, fhedzi na kathihi ni songo hangwela Jones. Zwi ḥo vha zwo luga arali ni tshi nga ḥisa ngomu yañ... arali ni tshi nga ya... Inwi a ni tei u litsha u daha hanu, u nwa hanu, u zwifha hanu, u tswa hanu, u wana mulandu hanu, u sola. Inwi a ni tei u litsha izwo. Itonu vha murađo wa tshividzho."

⁸² Fhedzi Mushe o vha e si muleludzi. O vha a tshi ḥoda phuluso yo vuledzeaho. O ri, "Ri nga si sie na khwanda nthihi murahu. Ri ḥo dzhia tshiñwe na tshiñwe tshi re tshashu, musi ri tshi ya u luvha Murena."

⁸³ Iyo ndi ndila ine tshividzho tsha tea u vha ngayo. "Ri ḥo dzhia u luga. Ri ḥo dzhia vhukhethwa. Ri ḥo dzhia Muya Mukhethwa. Ri ḥo dzhia tshigwada tshi re na pfano musi ri tshi ya kha alitari. Ri ḥo vha tshigwada tsha vhukuma. A ri nga sii tshithu murahu. Ri ḥo dzhia tshiñwe na tshiñwe. A hu

nga vhi na khwanda nthihi i no dzula ngeno murahu." Ni a divha, huno vhathu vha nga rabela nga ndila ine diabolo a do swika hune a kundwa.

⁸⁴ Iyo ndi ndila ye Mushe na tshigwada tshawe vha ita. Vho ya hangei huno vha vha fhasi ha Malofha. No zwi dzhieila nzhele, u swika vha tshi vha fhasi ha Malofha, ho vha hu si na phuluso ya tshothe. Mushe, ene muñe, o vha e na pfano na Mudzimu, fhedzi Israele yo vha i songo ralo. Ho vha hu tshi kha di vha na tshivhi. Huno vho gungulela Mushe, huno vha ri, "Mulandu, ndi ngani u tshi ita izwi? U disa vhuleme ho engedzeaho kha riñe." Ngauri, Farao o tou ita kavhili tshivhalo tshavho tsha zwidina, na zwiñwe-vho. Uyo o vha e Mushe; o vha e zwandani zwa Mudzimu lwo vuledzeaho, o phuluswa tshothe kha u lisa, u lisa nngu dla Mudzimu. O vha o phuluswa tshothe, ene muñe. Fhedzi vhathu vho vha vha songo phuluswa, ngauri ho vha hu tshi kha di vha na u gungula vhukati havho.

⁸⁵ Vhuriñe vhusiku musi Mudzimu o ta uri ngwana i tea u vhulawa, tshifanyiso tsha Kristo, huno malofha a lovhewa kha isopo, ye, ya vha i tsheñe fhedzi (zwayo, ya u ditukufhadza), huno a dodziwa kha tshiaramo tsha vothi na kha mihangammbwa, izwo ndi musi Israele i tshi phuluswa lwo vuledzeaho, hu si na khwanda yo siwaho murahu. Zwothe zwe zwa vha zwi zwavho zwo phuluswa. Miña yavho, vhafunwa vhavho, na tshiñwe na tshiñwe tsho phuluswa musi vha tshi da lwo vuledzeaho fhasi ha malofha.

⁸⁶ Izwo ndi musi tshividzo tshi tshi do phuluswa lwo vuledzeaho, musi tshinwe na tshiñwe tshi tshi da fhasi ha Malofha. Musi zwivhi zwañu zwi tshi da fhasi ha Malofha, musi u daha hanu, musi u gembula hanu, musi u fhura hanu, musi u tswa hanu, musi u zwifha hanu, musi tshiñwe na tshiñwe tshi tshi diswa fhasi ha Malofha, zwenezwo hu do vha na phuluso ya tshothe. No khakhela muñwe muthu, zwi lugiseni. Ni nga si kone u disa izwo fhasi ha Malofha, zwi nga si dzule. Ni nga si kone u zwi disa. Tshiñwe tshithu tshi nga si ni tendele u zwi ita. Musi vhunne hanu ho diswa lwo vuledzeaho, tshothe fhasi ha Malofha, hu do vha na phuluso ya tshothe; zwenezwo ni do vha na mbofholowo vhunga ye ni sa athu i divha na kathihi. Musi tshiñwe na tshiñwe tshi tshi diswa fhasi ha Malofha, tshi tshi diswa kha u pfa Muvhuso wa Mudzimu, zwenezwo hu do vha na phuluso ya vhukuma.

⁸⁷ Yesu o vha e muthu lwo vuledzeaho, lwa tshothe. O kona u lila vhunga muthu. O kona u la vhunga muthu. O kona u neta vhunga muthu. O vha e muthu lwo vuledzeaho, tshothe, kha vhuvha Hawe ha muvhili. Huno kha Muya Wawe, O vha e Mudzimu lwo vuledzeaho, tshothe, ngauralo A ita uri ñama Yawe i pfe Muya we wa vha u Khae. Ni a vhona, O lingiwa nga mikhwya yothe vhunga riñe. O vha e muthu, hu si Muruñwa. O vha e muthu. O vha e na lutamo na milingo, u tou fana

na riñe ri tshi ita. Bivhili yo ri O ita. O vha e muthu, hu si Muruñwa a re nga ntha ha mulingo. Vhaheberu 1 yo amba, zwauri, "O vha . . ." Vhaheberu 1:4 yo ri, "O itwa wa fhasi u fhira Vharuñwa." O vha e muthu, muthu o vuledzeaho; lwe Mudzimu a dzhia muthu o vuledzeaho, u disa phuluso ya tshothe, huno A Mu dadza Muya Wawe. Muya Mukhethwa wo vha u Khae, u si na muelo. Huno O lingiwa vhunga riñe. Huno O vha e Mudzimu lwo vuledzeaho. O zwi sumbedza musi A tshi vusa vhabu, musi A tshi imisa mvelo, malwanzhe a bhumaho na mimuya ya maanda. Musi A tshi amba na miri, na zwinwe-vho, zwo Mu thetselesa. O vha e Mudzimu, nga ngomu. Huno O vha a tshi nga kona u vha muthu, ngauri O vha e muthu, fhedzi O Dikumeda tshothe nahone lwo vuledzeaho (sa muthu) ngomu zwandani zwa Mudzimu, u itela tshumelo ya Mudzimu.

⁸⁸ Huno Ene ndi tsumbo yashu. Riñe ri vhanna na vhasadzi. Na riñe ri Vhakriste. Arali A tsumbo yashu, kha ri dikumedze lwo vuledzeaho ngomu zwandani zwa Muya Mukhethwa, uri ri kone u vha vhaluvha vha Muvhoso wa Mudzimu.

⁸⁹ O vha e muthu tshothe; O vha e Mudzimu tshothe. Fhedzi O kumeda zwipiða zwa mvelo Zwawe kha Zwawe . . . na zwipiða zwa muvhili Zwawe, na u elekanya Ha ene muñe, na u ita Ha ene muñe, na mbilaelo Dza ene muñe, na, "Ndi ita fhedzi zwine zwa takadza Khotsi." Khezwo. O phuluswa tshothe kha vhatu. Vhotshifhe vha da kha Ene, vhanna vhahulwane, huno vha ri, "Rabi, *mukeneñene*," huno vha lingeda u Mu itela tshandanguvhoni kha zwa u dzhenelela havho na dzidinomineisheni. Fhedzi O phuluswa tshothe ngauri O fulufhela Mudzimu.

⁹⁰ Naa Muphisalema ho ngo ri, "Iwe u ðo Mu phulusa, ngauri O Mpfulufhela lwo vuledzeaho"? Ni a vhona? "Ndi ðo phulusa Mufunwa Wanga kha dzimmbwa, ngauri O Mpfulufhela."

⁹¹ Nga inwe awara musi ri tshi ða magumoni a lwendo lwa vhutshilo, ndi i ðodela hanga. Ndi a ðivha uri inwi ni i ðodela hanu. Ndi ðoda Ene uri a ri, "Ndi ðo mu phulusa kha thaha dza lufu, ngauri o Mpfulufhela. Ndi ðo mu phulusa tshaloni, nga matsheloni a mvuwo, nda mu phulusa tshothe, zweþe mbilu, muvhili, na Muya, ngauri o Mpfulufhela."

⁹² Mishumo ya Yesu yoþe yo vha yo vuledzea. Tshiñwe na tshiñwe tsho vha tsho vuledzea, tshothe, tsho phuluswa. O phulusa tshothe wa mapele kha mapele. O phulusa tshothe musadzi we a vha e na vhulwadze ha nombe, kha vhulwadze hawe. Ene o phulusa tshothe shango kha tshivhi, musi A tshi fa nga duvha la tshipfumelo. O phulusa tshothe tshivhi tshiñwe na tshiñwe. O phulusa Tshivhidzo. Ngauralo a hu na ðodea ya uri riñe ri tshire sa vhatu, vha songo tondweswaho. A hu na ðodea ya uri riñe ri tshire ri kha tshimo tsho kundiwaho, ngauri O kunda diabolo huno a dzhia miyhuso yoþe na maanda, huno a i kunda fhasi ha milenzhe Yawe, huno a i

na pfanelo dza mulayo dza u ni vhusa. Rine ri Vhakriste, vho dalaho Muya Mukhethwa. A ri tei u vhudzi-... u vha na diabolo uri a ri vhudze. Kristo o ri phulusa, phuluso ya tshothe; o ri phulusa kha vhuvhi, o ri phulusa kha tshivhi, o ri phulusa kha dzindowelo, o ri phulusa u ambanı, o ri phulusa kha—kha mudzia-u-sa-fulufhedzea, o ri phulusa kha tshaka dzothe dza zwithu zwa vhudzekani. O ri phulusa tshothe huno a ri vhea ngomu zwandani Zwawe zwikhethwa; phuluso yo vuledzeaho, ya tshothe.

⁹³ O phulusa vhulwadze hashu. O ri phulusa vhulwadzeni, ngauri ri na nyito i re muhumbuloni ya hezwo. Haleluya! “Ngauri O rungelwa zwivhi zwashu, ro fhodzwa nga ntho Dzawe.” Ndi ene Mufhodzi washu. Izwo ndi ngazwo uła musadzi a shayaho, mułuku, we a vha e na pholio, a tshi khou lingedza u londa munna a no khou fa nga pfuko, a dzhena kha mafhethu Vhuhoneni ha Mudzimu. O vha e na lutendo. Huno o... Madokotela o ita zwe the zwe a kona u ita, ngauralo o tevhela ndaela dza Mudzimu huno a phuluswa tshothe.

⁹⁴ Vhafunziwa vho vha vhe na phuluso ya tshothe, zwa vhukumakuma phuluso ya tshothe. Ndi ngani? Ngauri vho vha vho dala Muya Mukhethwa lwo vuledzeaho na lwa tshothe. Musi inwi, ni tshi tou vha murado wa tshivhidzo huno no khada zwanda zwa mufunzi, kana muñwe... no vha na luñwe lushaka lwa tshenzhemo thukhu ya u fhufha, u t̄avha mukosi, kana u amba nga dzindimi, kana tshiñwe tshithu tshiñwe-vho; huno ni tshi kha di vha na vhuvhi mbiluni yanu, nyito dzisili, ni tshi amba mazwifhi, ni tshi daha dzisigarete, ni tshi emula vhasadzi; heneffo tshiñwe tshithu a tshi athu bvelela. Hu na tshiñwe tshithu tsho khakheaho. “Ngauri uyo a no funa shango, kana zwithu zwa shango, lufuno lwa Mudzimu a luho khae.” Inwi no khakhisiwa. “Nga mitshelo yavho ni do vha divha.”

⁹⁵ Rine rothe ri toda u vha vha re na pfano, na Muya Mukhethwa. Murado muñwe na muñwe u tea u vha na pfano, muñwe na muñwe. Lufuno lwa Mudzimu lu tevhutshelwa mbiluni dzashu, nga Muya Mukhethwa. Lu ri kunakisa kha u sa luga hothe. Rine ri phuluswa kha zwithu zwa shango. Yesu o amba, “Nga izwi vhathu vhothe vha do zwi divha zwauri ni vhafunziwa Vhangá, musi ni na lufuno, muñwe a tshi itela muñwe.” Musi murado muthihi u tshi funa muñwe murado nga maanda lune u nga mu fela.

⁹⁶ Musi tshiñwe tshithu tshivhi tshi tshi thoma, shango ja nnnda, vhañwe vha vhasadzi vha a da huno vha ri, “Zwino, sedzani, mufunwa. Zwi do vha khwine kha inwi arali no ita *itshi*, kana na ita *itsho*, no ambara *itshi*, kana no ita *itsho*, kana no no ita *itshi*, nahone no ḥuwa kha itsho tshivhalonyana tsha vhavhumbuluwi-vhakhethwa,” kana vhañwe-who nga u ralo, ri na pfano nga maanda na Mudzimu!

⁹⁷ Inwi ni ri, "Zwo ralo, Mukomana Branham, ndi mulingo u shavhisaho." Fhedzi Kristo o fela iyo ndivho. Diabolo o kundwa. Rine ri ṭoda phuluso ya tshothe. Ri ṭoda tshivhidzo tsho ḥambaho tsho kunaho tshi songo vanganaho, nahone tsho ḥanzwiwaho Malofhani a Ngwana, nahone tsho dalaho Muya Mukhethwa, na zwiga na zwimangadzo na mađembe. [Tshikhala kha theiphi—Mudz.]...u phulusa tshothe muñwe na muñwe. [Tshikhala kha theiphi].

⁹⁸ Mudzimu a Funwaho, Iwe a u dzhii zwithu nnđani ha musi two phuluswa tshothe. Wo kundelwa u ḥanganedza tshithavhelo tshe tsha vha tshi na luvhadzi khatsho. Iwe na kathihi wo vha u si nga tanganedzi thabelo, ye ya vha uri ho vha hu na tshivhi murahu kha vhutshilo ha uyo muthu. Iwe wo tou sa kona u zwi ita, Murena. A wo ngo zwi ita kha zwikhathi two fhiraho, nahone U nga si kone u zwi ita namusi. Fhedzi tshithavhelo tshi fanela u vha tshi si na luvhadzi. Murena Mudzimu, musi ri tshi ḫivhea kha alitar, vhutshilo ho naledzwaho, tusa kha riñe, Oo Murena, badzi dzothe dla tshivhi. Ndi vhea lwo vuledzeaho mbilu yanga, na muvhili wanga, na nungo dzanga, vhuditidini hanga, na itshi tshivhidzo matsheloni ano, kha alitar. Ri kunakise nga Malofha Au, huno u ri hangwele tshivhi tshiñwe na tshiñwe tshe ra ita. Huno ngavhe Muya Mukhethwa muhulwane u tshi dzula kha riñe lwo pfumaho nga maanda, huno Vhuhone Hawe ha tuwa na riñe u bva kha iyi thaberanakele matsheloni ano, uri ri zwi ḫivhe ngomu hashu zwauri O ri hangwela. Zwenezwo thabelo i do vha, "Ri hangwele milandu yashu vhunga ri tshi hangwela vha re na milandu kha riñe." Zwi tendele, Murena.

⁹⁹ Ivha tsini na riñe zwino, ri fhaṭutshedze nahone u ri vhulunge u swika ri tshi ḥangana hafhu kha tshumelo ya nga madekwana. Ngavhe ri tshi dzhena ri na zwanda two kunaho na mbilu dzo ḥambaho, dzine U nga si dzi thudzele kule, ngauri ri ṭoda phuluso yo vuledzeaho ya tshothe kha tshiñwe na tshiñwe, Murena, tshire tsha do ri thivhela u vha tshedza tsha shango; khandela lo dzulaho kha muvhundu, hu si tshirundu khalo, fhedzi khandela lo dzulaho kha muvhundu, line la nea tshedza tsha u endedza milenzhe ya vhathu ndilani i re yone. Zwi tendele, Khotsi. Ri zwi humbelia Dzinani la Yesu, na u itela Vhugala Hawe. Amene.

¹⁰⁰ Ndi khou yo humbelia Doc... Ndi elekanya uri u ngeyo murahu, kana muñwe wa madikoni u hone. Uri tshivhidzo tshi kone u vhala itshi, Doc, idani ni vhee itshi kha bodo ya buletini uri tshivhidzo tshi kone u tshi vhona musi vha tshi bva. Huno zwenezwo Mukomana Collins, arali e fhano... Naa Mukomana Collins u ngomu? Mu neeni itshi tshiñwe.

¹⁰¹ Huno, two luga, muñe wanga, huno ri do vhona zwine... [Mukomana Branham u a awela huno u vhala luñwalo o fhumula—Mudz.] Ndi muñwe a no khou ṭoda muvhudzisano. Izwo tshifhinga tshothe zwi a tendelwa. Ro takala.

Huno ndi na mivhudzisano. Ni a vhona, tshithu tshine na ita ndi u founela nomboro yashu ngei nnnda. Ro—ro vha na vhuleme vhunzhi nga maanda nduni, tshivhidzo tshi a zwi divha. Avha ndi vhatsinda. Tshivhidzo tshi a divha nga hazwo. Hu tea u vha na tshipida tshituku tsho vhewaho... Ndi do vha natsho tsho vhewaho hafha tshivhidzoni, na tshone-vho, u itela vha no da. Ni a vhona, hu na vhanzhi nga maanda, vhane ri nga si vha londe vhothe, vha tshi da fhedzi nga nomboro. Ni a vhona? Huno rine... Arali ni tshi nga tou founela BUTler 2-1-5-1-9, Butler. [Nomboro ya lutingo yo shandukiswa.—Mudz.] Huno muñwe wa mirado-vho a no vhona muñwe a no ḥoda, nne tshifhinga tshothe ndi takalela u vhona vhathu. Fhedzi ri na sisteme ya misi. Hu na vhañwe vho no di founelaho, vho vhalaho, ni a vhona. Huno ri tou da nga, muthihi nga muthihi, musi ri tshi da. Zwenezwo hu na... Ho vha hu tshi anzela u vha, ro tou nga ri vha na u rwa ho vilinganaho, ndila iñwe na iñwe, u pfuka, u thamuwa, vhathu vha ya hayani vho shona na tshiñwe na tshiñwe. Zwino vha na tshiñwe na tshiñwe tshi re kha nzudzanyo fhedzi. Huno izwo ndi zwine ra khou lingedza u amba nga hazwo zwino, ni a vhona, u vhea tshiñwe na tshiñwe kha nzudzanyo, lwo fhelelaho.

Huno ndi do takalela u vhona itsaho tshigwada tshi funwaho, arali vha tshi do tou founela fhedzi BUTler 2-15-19 (1-5-1-9), huno Vho-Mercier kana Vho-Goad, muthihi, u do fhindula founu huno a ni vhudza kokotolo uri ni nga vha na ndangano lini. Rine ri na fhethu ngei nnnda, ho dzudzanyiwaho maya, nahone hō lugelaho u ḥanganedza vhathu na u vha rabelela. Ri takalela fhedzi u zwi ita.

¹⁰² Zwino, tshi itsaho uri ndi si de tshivhidzoni, vhathu vha elekanya zwauri ndi lingedza u ḥutshela kule na vhathu; a si zwone. Nne ndi khou lingedza u—u vha kokotolo kha nzudzanyo. Ni a vhona? Izwo ndi zwine nda ḥoda u vha zwone, u sa sumbedza fhedzi u ḥalula muthu. Muthu muñwe na muñwe, nnyi na nnyi, huiñe na huiñe, tshifhinga tshiñwe na tshiñwe, ni a vhona; muvhala, ndaela a i na mushumo nazwo. Rine ri da henehafho huno ra ḥanganana na vhathu. Huno arali vha na thodea, ri dzula henehafho na Mudzimu u swika i tshi tandululwa. Arali vha tshi ḥodou divha tshiñwe tshithu nga ha mitangano, a hu na zwiñwe, ri a zwi londa nahone ra zwi džhenisa faelani. Uho ndi u ranga phanda fhedzi ha Muya Mukhethwa. Huno uho ndi... Iyo ndila, ndi elekanya uri i tou vha fhedzi, i ita muñwe na muñwe zwi no tou fana kokotolo. Ngauralo-ha, a hu na u ḥalula muthu, a hu na u ḥalula.

¹⁰³ Naa ho vha hu na vhathu vho daho u rabelelwa, matsheloni ano, vhe vha vha vha tshi lwala huno vha ḥoda u rabelelwa? Zwo luga. Ho vha hu si na.

Zwenezwo kha ri imbe luimbo lwavhudi u itela . . . u itela u luvha. Naa ri nga imbanī matsheloni ano? "Naa ndi mini tshire tshi nga ḥuwisa zwivhi zwanga?" Ni a lu divha, Teddy? "A hu na nga nn̄da ha Malofha a Yesu." Naa ndi mini . . .

[Khaladzi a bvaho kha tshivhidzo u amba nga ha mufumakadzi a no khou lwala nga maanda—Mudz.] Zwo luga, muñe wanga. Ni ḥoda u mu rabelela zwino?

Nñe ndi khou yo rabelela uyo mufumakadzi. U vhea zwā̄nda kha uyu musadzi hafha. Ni ḥo kotamisa tshifhaṭuwo tshaṇu na nñe, zwenezwo, no fhumula zwino. [Mukomana Branham u ḥutshela khudzaipfi ya phuluphithi—Mudz.]

¹⁰⁴ Mudzimu a Funwaho, hu na mufumakadzi a no khou lwala nga maanda. Khaladzi o ḥekedza muvhili wawe, na u dzhia pfuko kha vhañwe, u ima vhukati, u itela vhañwe. Fhedzi Iwe wo mu phulusa kha hezwo, Murena, maduvha a si gathi o fhiraho, musi izwo zwithu zwi tshi ḥihwa. Itou mu tendela uri a zwi wanuluse, ene muñe, zwenezwo, Murena, u ḥo zwi divha uri zwi bva kha Iwe. Ndi vhea zwā̄nda zwanga khae, hūno nda humbela khathutshelo u itela uyo muñwe musadzi o mu imelaho. Ngavhe tshilidzi tsha Mudzimu, Maanda a Muya Mukhethwa . . . Hu na vhuñwe vhuvhi-vho mbiluni dzashu, Murena, ri dzumbululele hone, u thoma, zwenezwo ri ḥo ya, ra vhu lugisa. Zwenezwo ri a zwi divha uri ri takalelwa nga Mudzimu, ri na mulalo na Mudzimu, ri wana zwine ra zwi humbela, ngauri a ri na khaṭhulo. Zwi tendele, Murena. Dzinani ḥa Yesu ndi a rabela. Amene.

Zwo luga. [Mukomana Branham u humela kha phuluphithi—Mudz.]

Ndi mini tshire tshi nga ḥanzwa tshivhi tshanga?

A hu na nga nn̄da ha Malofha a Yesu;

Ndi mini tshire tshi nga nnyita o takalahohafhu?

A hu na nga nn̄da ha Malofha a Yesu.

Oo, ndi ha vhuñhogwa u elela

Hu no nnyita mutshena sa mahāda;

A hu na tshinwe tshisima tshire nda tshi divha,

A hu na nga nn̄da ha Malofha a Yesu.

¹⁰⁵ Naa ndi vhangana vhane na pfa uri zwivhi zwaṇu zwehe zwi fhasi ha Malofha? Kha ri lu imbe zwā̄nda zwashu zwi n̄tha zwino.

Ndi mini tshire tshi nga ḥanzwa tshivhi tshanga?

A hu na nga nn̄da ha Malofha a Yesu;

Ndi mini tshire tshi nga nnyita o takalahohafhu?

A hu na nga nn̄da ha Malofha a Yesu.

Zwino musi ri tshi wisa zwanda zwashu, kha ri kha^ñdane u mona ho^ñthe.

Ha vhuthogwa ndi . . .

Izwo ndi zwone, u mona ho^ñthe.

. . . mutshena sa mahada;

A hu na tshinwe tshisima tshine nda tshi
divha,

A hu na nga nnnda ha Malofha a Yesu.

Ni a Mu funa? [Tshivhidzo tshi ri, "Amene."—Mudz.] Amene.

Oo, ndi funa hani Yesu,

Oo, ndi funa hani Ye- . . .

Zwino dzulani nalwo, zwino. Muñwe na muñwe kha farelele kha Mudzimu.

Ndi mu funa hani Yesu,

Ngauri O funa nñe u thoma.

Na kathihi ndi nga si furalele . . .



PHULUSO YA TSHOTHE TSV59-0712

(A Total Deliverance)

Hoyu Mulaedza nga Mukomana William Marrion Branham, u rangani wo ñewa nga Tshiisimane nga matsheloni a Swondaha, Fulwana 12, 1959, Thabererenakejeli ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa ganđiswa u songo pfufhifhadzwa nga Tshiisimane. Heyi thalutshedzo ya Tshivenđa yo ganđiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org